

Håkenstad gnr. 26 bnr. 1

Av Knut Raastad, november 2022



Eigar av Håkenstad før 1646 var Mads Pedersen som var faut i Søndervigen.

Etter 1646 var eigaren fauten i Gudbrandsdalen Christen Mogensen. Matrikkelen 1668 viser at eigarane da var Christen Mogensens arvingar. Christen Mogensen 1600-1654 var gift med Cathrine Eggertsdotter Stockfleth f.1610 i Danmark. Christen hadde bl.a. sonen:

Eggert Christensen Stockfleth 1635-1681, neste eigar

Koppskatten 1645 nemnde Jacob Hogenstad og hans hustru. Ivar Kleiven skreiv at denne ætta hadde hatt garden i bygsel frå 1628. Jacob hadde truleg sonen:

Siver f.ca.1625, neste brukar



Håkenstad. Foto frå Grete Steigen, Vågå historielags fotoarkiv

Manntalet 1666 viser Haagenstad 4 huder Sigverd Jacobsen 41 år og sonen Jon Sigverdsen 15 år. Matrikkelen 1668 viser at Siffuer Jachobsen brukte 4 huder, truleg var han son til brukaren i 1645. Siver Jakobsen var gift med Gunhild Johannesdotter d.ca.1672, dei hadde 2 barn:

Jon

Kari, neste brukar

Eggert Christensen Stockfleth 1635-1681 som var sokneprest i Vågå 1667-1681 overtok Håkenstad etter faren. Eggert var gift med Anna Fredriksdotter Glostrup f.før 1650 d.etter 1730, dotter til prest i Vågå Fredrik Nilsen Glostrup d.ca.1610 og Else Michelsdr. d.1659 som var enkje etter tidlegare prest i Vågå Christen Bertelsen Mule 1600-1643. Eggert og Anna hadde 2 barn:

Martha, g.m. Otto Munthe som var prst på Fron

Else Cathrine Stockfleth 1672-1757, seinare eigar

I ei avtale 1673 skal Peder Amundsen Hogenstad betale 80 rd. i «opladelse» til Siffur Hogenstad og ekte dotter hans. Peder var frå nigard Sandbu son til Amund Steinarson Sandbu og Synne Ivarsdr. Sandbu u-s. Dotter til Siver var truleg Kari, ho fekk i 1681 kjøpebrev frå sokneprest Eggert Stockflet på Håkenstad skyld 4 huder for 350 rd. Peder f.ca.1638 d.1679 og Kari hadde 2 døtre:

Gunhild, g.m. Einar Sjugurdsen Hole n., Lesja, til nigard Sandbu i 1696

Synne f.ca.1667 d.ca.1700, neste brukar

I følge Ivar Kleiven så overtok andre dottera og mannen da Einar og Gunhild overtok nigard Sandbu og flytta dit. Synne var gift med Tjøstolv Torstensen Kleppe f.ca.1666 d.1724 (han kom seinare til Valbjør). Tjøstolv og Synne hadde 1 barn:

Torstein f.ca.1698, g.m. Ingeborg Eriksdr. Kvarberg ø., til Rottem

Skoskatten 1711 viser Anders Sergvetssen. Dette må vera presten Anders Sigvardsen Munch 1668-1737 som var prest i Dollerup på Jylland frå 1698 og prest i Vågå 1722-1737. Anders var son til Lesjapresten Sigvard Engebretsen Munch 1590-1694 og Anna Jørgensdr. Marstrand, Grytten. Anders var bror til Henning Munch som var prest i Vågå 1681-1694 og var gift med Anna Glostrup i hennar andre ekteskap. Anders var gift med dotter til Anna, Else Cathrine Stockfleth. Else Cathrine tok att Håkenstad på odel ca. 1696 slik at mora Anna Glostrup/Stockfleth kunne bu der. Anders og Else Stockfleth hadde 7 barn:

Sigvard d.1747, kapellan i Vågå, prest i Haa

Eggert Munch Stockfleth, sorenskrivar i Rakkestad

Anne 1704-1793, g.m. Jens Johansen Borchsenius 1709-1763, prest i Nes i Hallingdal

Anna Sophie 1712-1761, seinare eigar

Else Cathrine, g.m. Laurits Leganger, prest i Aremark

Fredrikke Mariane, g.m. Lars Frisach, prest i Kråkstad

Mariane, g.m. Bastian Engelhardt, prest i Rendalen

Ca. 1706 tok sorenskrivar Henrik Schmidt over Håkenstad som kreditor til Anna Glostrup/Stockfleth. Tidspunktet stemmer ikkje med skoskatten 1711, men det kan vera at overtakinga skjedde seinare eller at registrering til skoskatten skjedde tidlegare enn 1711. Henrik var son til Jakup Knutsen som var sorenskrivar før Henrik. Henrik som også hadde Sunde etter faren var gift med Marie Glad 1687-1705 dotter til Hans Knutsen Glad 1645-1710 som var soneson og brorson til tidlegare prestar i Vågå. Utanom tvillingar som døydde saman med mora i barselsseng hadde Henrik og Marie 1 barn:

Hans Jacob Henriksen Smith 1704-1732, neste eigar

Henrik Schmidt døydde i 1719, og matrikelutkastet 1723 viser at Håkenstad 4 huder da var eigd av Hans Jacob Smith som var sonen.

Etter at Anders Munch vart tilsett som sokneprest i 1722, tok han i namnet til dottera Anna Sophie att Håkenstad på odel. I 1731 pantsatte sokneprest Anders Munch garden Haagenstad 4 huder for gjeld 408 rd. til kammerråd Hans Morten Sommer. I 1740 var det enkja etter Munch, Else Cathrine Stochfleth som pantsatte Hogenstad da ho hadde lånt 440 rd hjå dottera Anna Sophie Munch. Anna Sophie 1712-1761 var gift med Jacob Jacobsen Smith d.1742, bror til Henrik Smith. Anna Sophie vart gift på nytt i 1743 med sorenskrivar i Vågå 1751-1761 Carsten Hauritz d.1761. I 1743 selde Anna Sophia Stochfleth garden sin Haagenstad 4 huder til mora Else Chatrine Stochfleth for 2000 rd.

Seinare same året som ho hadde kjøpt i 1743 selde Else Cathrine enkje etter Anders Munch garden Haagenstad til Tosten Iversen Kleppe for 2000 rd. Tosten f.1707 var son til Ivar Torstensen Kleppe 1652-1729 og Guri Olsdr. Hjelle, Dovre 1664-1751. Torstein var gift med Kari Torsdotter Lunde s. dotter til Tor Erlandsen og Anne Persdr. Lunde s. Torstein og Kari hadde 1 barn:

Guri 1746-1816, neste brukar

I 1781 selde Tosten garden Haagenstad 4 huder til svigersonen Iver Thordsen og dottera Guri for 3090 rd. Iver Tordsen Bjølstad 1746-1826 var son til Tord Tordsen Bjølstad 1704-1750 og Mari Ivarsdr. Kleppe n. 1705-1778. Iver og Guri vart gift i 1781. Iver vart 1777 gift fyrste gongen med Kari Simensdotter Tofte 1749-1779.

Iver selde og skjøta i 1806 Haagenstad 4 huder til systersonen Ole Poulsen for 7998 rd. Ole Pålsen Harildstad, Kvikne 1775-1866 son til Pål Tjøstolsen Harildstad 1746-1800 og Guri Tordsdr. Bjølstad 1745-1795. Ole var gift med Kari Torsdotter Bjølstad 1785-1868 dotter til Tord Tordsen Bjølstad 1742-1813 og Ragnhild Simensdr. Tofte 1753-1813. Ole og Kari hadde 4 barn:

Torstein 1811-1855

Guri 1813-1864, neste brukar

Ragnhild

Marit 1819-1873, g.m. Ole Nilsen Steig, Sør-Fron 1813-1872

Guri 1813-1864 vart 1846 gift med Pål Pålsen Tofte 1816-1886 son til Pål Pålsen Tofte 1778-1856 og Mari Tordsdtr. Bjølstad 1780-1869. Pål Pålsen Tofte fekk i 1853 skjøte på Håkenstad og Håkenstdplassen for 1500 spd. Guri og Pål hadde ikkje barn. Pål vart gift på nytt med Mari Pålsdotter Angard Tallerås, Dovre 1841-1928 dotter til Pål Olsen Angard f.1800 og Kari Simensdtr. Viste 1800-1841. I 1886 vart det tinglyst at Mari Håkenstad sat i uskifts bu. Pål og Mari hadde 3 barn:

Guri 1873-1960, g.m. Jon Tjøstelsen Harildstad 1866-1942

Ole 1877-1964, neste brukar

Pål 1879-1885

Ole Paulsen overtok i 1896 med skjøte frå mora for kr 16000 som også omfatta bl.a. Håkenstadplassen og fleire Råstadgardar. Ole var gift med Anne Olsdotter Angard Faukstad 1873-1954 dotter til Ole Hansen Angard 1829-1908 og Gunhild Langgard 1836-1913. Ole og Anne hadde 4 barn:

Mari 1900-1938

Pål 1902-1987, neste brukar

Magnhild 1908-1982

Trygve 1913-1993, g.m. Torlaug Tallerås f.1919, til nørste Råstad

I 1940 var det skjøte på Håkenstad frå O P Haakenstad til Pål Håkenstad for kr 15000. Pål var gift med Astrid Arneberg f.1922. Dei hadde 3 barn:

Kari f.1948, g.m. Folkvard Bleka

Ola f.1951, neste brukar

Arne f.1955, g.m. Vigdis Karlsen

Ola overtok etter faren i 1976, han vart 1976 gift med Ingjerd Hoen, Nannestad f.1956 dotter til Reidar Hoen f.1918 og Magnhild Engelstad f.1926. Ola og Ingjerd har 3 barn:

Pål f.1976, neste eigar

Marianne f.1979

Trond Ola f.1981

Kjelder:

Pål Øystein Kvarberg, 2000: Slechter i Vågå og Lom, slektene på Kleppe, Fellese, Tolstad

Digitalarkivet: panteregister

Norske gardsbruk 1953-1997

Opplandsarkivet Vågå: familieark, avskrifter pantebøker mm.

Gunnar Ottosen, Jutulen 2009: Sorenskriver i Nord-Gudbrandsdalen etter 1579

Gunnar Ottosen, Jutulen 2011: Prester i Vågå før 1745

Ivar Teigum, Årbok for Gudbrandsdalen 2011: Eit statussymbol i Vågåkyrkja

Ivar Kleiven, I gamle Daagaa: Ækte på Haakaasta